

Izveštaj o radu Uprave policije MUP-a Kantona Sarajevo za 2018.godinu

KRIMINALITET

Tokom 2018. godine, aktivnosti Uprave policije Ministarstva unutrašnjih poslova Kantona Sarajevo, kada je u pitanju oblast kriminaliteta, ogledale su se, prevashodno u prevenciji i sprječavanju izvršenja krivičnih djela, rasvjetljavanju počinjenih djela i identifikaciji njihovih izvršilaca, te njihovom procesuiranju i privođenju nadležnim organima. Imajući u vidu, između ostalog smanjenje, ukupnog broja registrovanih krivičnih djela za 0,9%, broja teških krađa motornih vozila za 35,3%, slučajeva aktiviranja minsko-eksplozivnih sredstava za 21,4%, smanjenje krivičnih djela ubistava za 50%, teških tjelesnih ozljeda za 23,8%, nasilničkog ponašanja za 19,8%, zatim procenat rasvjetljenosti „najtežih“ krivičnih djela, djela protiv života i tijela od 94,7%, kao i procenat ukupne rasvjetljenosti krivičnih djela od 66,5%, postignuti rezultati su zadovoljavajući.

STATISTIČKI PRIKAZ KRIMINALITETA

Kriminalitet na području Kantona Sarajevo u 2018. godini u odnosu na isti period prethodne godine, posmatrano kroz statističke pokazatelje, karakteriše smanjenje broja, registrovanih krivičnih djela za 0,9% dok je povećan broj prijavljenih lica za 13,8%, maloljetnih izvršilaca za 63,8%, povratnika u činjenju krivičnih djela za 0,9% i lica lišenih slobode za 7%. U odnosu na 2017. godinu, neznatno je povećana ukupna rasvjetljenost krivičnih djela (za 0,1%).

U 2018. godini, registrovano je 4.275 krivičnih djela što je za 41-no djelo ili 0,9% manje u odnosu na prethodnu godinu.

U 2.059 slučaja (48,2% od ukupnog broja krivičnih djela), krivična djela su izvršena od strane poznatih izvršilaca i izvršilaca zatečenih u činjenju krivičnog djela, a 2.216 krivična djela (ili 51,8%), prijavljeno je po nepoznatom izvršiocu, od kojih je 786 naknadno rasvjetljeno (ili 35,5%). Tokom izvještajnog perioda ukupno je rasvjetljeno 2.845 krivičnih djela ili 66,5% što je za 0,1% veća rasvjetljenost u odnosu na prethodnu godinu.

Za izvršenje navedenih djela prijavljeno je 2.795 lica, od kojih je 1.486 povratnika u činjenju krivičnih djela (ili 53,2% prijavljenih), 95 maloljetnika, a 1.147 lica je lišeno slobode (ili 41% prijavljenih). U odnosu na 2017. godinu veći je broj, prijavljenih lica za 338 (ili 13,8%), povratnika za 13 (ili 0,9%), maloljetnih izvršilaca za 37 (ili 63,8%) i lišenih slobode za 75 (ili 7%).

UPOREDNI POKAZATELJI STANJA KRIMINALITETA NA PODRUČJU KANTONA SARAJEVO U 2018/17. GODINI
PREMA GLAVAMA KRIVIČNOG ZAKONA FBiH-a i KZ BiH-a

KRIVIČNA DJELA	2018. godina	2017. godina	uporedba br.KD		"rasvjetljenost" u 2018. godini	
			+ / -	%	br.KD	%
Protiv ustavnog poretka Federacije	0	1	-1	---	0	---
Protiv života i tijela	187	175	12	6,9%	177	94,7%
Protiv slobode i prava čovjeka i građanina	230	202	28	13,9%	223	97%
Protiv spolne slobode i morala	17	11	6	54,5%	17	100%
Protiv braka, porodice i mladeži	247	246	1	0,4%	247	100%
Protiv zdravlja ljudi	613	491	122	24,8%	613	100%
Protiv privrede, poslovanja i sigurnosti platnog...	5	6	-1	-16,7%	5	100%
Iz oblasti poreza	1	1	0	isto	1	100%
Protiv imovine	2509	2.705	-196	-7,2%	1.137	45,3%
Protiv okoliša	6	7	-1	-14,3%	6	100%
Protiv opće sigurnosti ljudi i imovine	86	72	14	19,4%	54	62,8%
Protiv sigurnosti javnog prometa	107	89	18	20,2%	102	95,3%
Protiv pravosuđa	47	17	30	176,5%	48	102,1%
Protiv javnog reda i pravnog prometa	158	186	-28	-15,1%	153	96,8%
Protiv podmić. i kd protiv sl. i druge odgovor...	17	22	-5	-22,7%	17	100%

Protiv sistema elektronske obrade podataka	0	2	-2	---	0	---
Protiv privrede i jedinstv. tržišta te...(KZBiH)	1	5	-4	-80%	1	100%
Protiv slobode i prava čovjeka i građan. (KZBiH)	1	0	1	---	1	100%
ZONDINOIM-a (Sl.novine KS br.01/18)	43	78	-35	-44,9%	43	100%
UKUPNO	4.275	4.316	-41	-0,9%	2.845	66,5%

U 2018. godini u odnosu na 2017. godinu, zabilježeno je neznatno smanjenje broja registrovanih krivičnih djela i to za 41 ili 0,9%. Najznačajnije smanjenje zabilježeno je u oblasti protiv: imovine (za 196 djela), djela regulisanih ZONDINOIM-om (za 35), javnog reda i pravnog prometa (za 28), itd., dok je povećanje evidentirano u oblastima protiv: zdravlja ljudi (za 122 djela), pravosuđa (za 30), slobode i prava čovjeka i građanina (za 28), sigurnosti javnog prometa (za 18), opće sigurnosti ljudi i imovine (za 14), itd.

PREGLED KRIVIČNIH DJELA PO OBLASTIMA

KRIVIČNA DJELA PROTIV ŽIVOTA I TIJELA

U toku 2018. godine prijavljeno je 187 krivičnih djela protiv života i tijela (12 više u odnosu na 2017. godinu).

Zbog postojanja osnova sumnje da su počinili djela iz ove oblasti podneseni su službeni izvještaji protiv 187 lica, od kojih je 88 povratnika (ili 47,1%), a 42 su lišena slobode. Ukupno je rasvijetljeno 177 djela iz ove oblasti ili 94,7%.

Evidentirana su slijedeća krivična djela: - ubistvo iz člana 166. KZFBiH-a – tri djela (tri manje), ubistvo u pokušaju – 12 (osam više), teška tjelesna ozljeda – 61 (19 manje), lahka tjelesna ozljeda – 102 (27 više), učestvovanja u tuči – šest djela (dva manje), čedomorstvo, teška tjelesna ozljeda u saučiniteljstvu i teška tjelesna ozljeda u pomaganju - po jedno djelo (nije bilo ovih djela).

KRIVIČNA DJELA PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 230 djela (28 više) i to: - ugrožavanje sigurnosti – 220, narušavanje nepovredivosti doma - pet, protupravno lišenje slobode i otmica - po dva djela i ugrožavanje sigurnosti u podstrekavanju - jedno djelo, a zbog izvršenja navedenih djela prijavljeno je 211 lica od kojih je 109 povratnika u činjenju krivičnih djela (ili 51,7%), a 42 su lišena slobode.

KRIVIČNA DJELA PROTIV BRAKA, PORODICE I MLADEŽI

U ovoj oblasti registrovano je 247 krivičnih djela (jedno više) i to: nasilje u porodici - 237 djela, oduzimanje djeteta ili maloljetnika - četiri, izbjegavanje izdržavanja - tri, zapuštanje ili zlostavljanje djeteta ili maloljetnika - dva i napuštanje djeteta - jedno djelo. Službeni izvještaji podneseni su protiv 252 lica od kojih su 134 povratnika ili 53,2%, a 149 je lišeno slobode.

KRIVIČNA DJELA PROTIV ZDRAVLJA LJUDI

U oblasti krivičnih djela protiv zdravlja ljudi, podneseni su službeni izvještaji protiv 620 lica (109 više), od kojih je 371 povratnik (ili 59,8%), a zbog postojanja osnova sumnje da su počinili 613 krivičnih djela (122 više) i to:

- neovlašćena proizvodnja i stavljanje u promet opojnih droga – 35 djela (devet manje)
- posjedovanje i omogućavanje uživanja opojnih droga – 578 djela (132 više),

Policijski službenici Uprave policije su Kantonalnom tužilaštvu Sarajevo podnijeli službene izvještaje protiv ukupno 40 lica zbog postojanja osnova sumnje da su u proteklom periodu neovlašteno proizvodili, zatim kupovali opojnu drogu ("Marihuanu", "Amfetamin", itd.) od za sada nepoznatih lica, na raznim lokalitetima, istu prepakivali, a zatim vršili prodaju raznim konzumentima na području Kantona, čime bi počinili krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga), te protiv 580 lica koji su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga ("Marihuana", "Amfetamin", "Ecstasy", "Heroin", itd.) čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).
Zbog zloupotrebe opojnih droga 371-no lice je lišeno slobode (78 više).

TABELARNI PREGLED ODUZETE OPOJNE DROGE U 2018/17. GODINI OD STRANE ODJELJENJA ZA BORBUN PROTIV ZLOUPOTREBA OPOJNIH DROGA

VRSTA OPOJNE DROGE	2018. GODINA	2017. GODINA
Marihuana (u gramima)	6.045	12.578,33
Marihuana (paketići)	163	311
Marihuana (JOINT - cigarete)	31	36
Heroin (paketići)	101	65
Amfetamin (paketići)	184	118
Amfetamin (u gramima)	1.882	1.758,5
Cannabis (stabljike)	2	4
Cannabis (sjemenke)	103	1
Kokain (paketići)	2	15
Kokain (u gramima)	---	15
Ecstasy (tablete)	225,5	793,75
Ecstasy (u gramima)	---	2,2
Hašiš (paketići)	1	---
Heptanon/Metadon (solucija)	---	1 kom i bočica
Suboxone (tablete)	---	19
Kristal Met (paketići)	---	4
LSD markice	---	36
Pribor sa ostacima droge (komada)	56	41

Povećanje registrovanih krivičnih djela u ovoj oblasti, jeste rezultat pojačanih i planski provedenih aktivnosti Uprave policije koje su se ogledale u sprječavanju svih oblika zloupotreba narkotika tako da je u 2018. godini sprovedeno i niz efikasnih akcija na presijecanju "lanaca" trgovine opojnim drogama, što je rezultiralo procesuiranjem ukupno 620 lica (109 više) i zaplijenom opojne droge „Marihuane“ - preko 6 kg „Amfetamin-a“ - preko 1,8 kg, 225 komada Ecstasy tableta, itd.

KRIVIČNA DJELA PROTIV PRIVREDE, POSLOVANJA I SIGURNOSTI PLATNOG PROMETA

Iz oblasti krivičnih djela protiv „privrede“ registrovano je pet krivičnih djela (jedno manje) i to: prijevarena u privrednom poslovanju i obmana pri dobijanju kredita ili drugih pogodnosti - po dva i oštećenje povjeritelja - jedno djelo za čije je izvršenje prijavljeno šest lica.

Takođe, tokom 2018. godine, od strane policijskih službenika Odjeljena za privredni kriminal zadokumentovana su i krivična djela koja su u vezi sa „privrednim kriminalom“, a svrstana su u druge glave KZ FBiH-a i KZ BiH-a i to:

- organizirani kriminal - 24 djela,
- krivotvorenje isprave - devet,
- pronevjera u službi - pet,
- zloupotreba položaja ili ovlašćenja i ovjeravanje neistinitog sadržaja - po tri djela, itd.

i čijim je činjenjem nastupila materijalna šteta u ukupnom iznosu od 31.744.923,10 KM, što je za cca 15.681.235 KM više u odnosu na 2017. godinu (u 2017. godini materijalna šteta je iznosila 16.062.091,61 KM i 816 Eura).

KRIVIČNA DJELA PROTIV IMOVINE

U oblasti krivičnih djela protiv imovine registrovano je 2.509 djela što je za 196 ili 7,2% manje u odnosu na 2017. godinu.

Najbrojnija djela iz ove oblasti su: teške krađe – 1.352 (166 manje), krađe – 382 (33 manje), razbojništva – 388 (23 manje), oštećenje tuđe stvari – 157 (šest više), prijevara – 57 (devet više), utaja – 43 (pet više), teška krađa u pokušaju – 53 (18 više), prikrivanje – 15 (šest manje), itd.

Zbog izvršenja navedenih djela prijavljeno je 789 lica od kojih je 511 povratnika u činjenju krivičnih djela (ili 64,8%), a 328 je lišeno slobode.

Za ukupno 1.137 ovih djela ili 45,3% identifikovani su osumnjičeni izvršiooci, što je u odnosu na prethodnu godinu, smanjenje za 3%.

Objekti napada pri vršenju krivičnih djela protiv imovine najčešće su bili stambeni objekti – 573 puta (19 više), motorna vozila (otuđenja motornih vozila i “provale” u ista) - 426 (209 manje), prodavnice i drugi poslovni prostori - 200 (28 manje), na ulici - 92 (37 više), itd., pri čemu su otuđivana motorna vozila, novac, nakit, tehnička roba, prehrambeni proizvodi, cigarete, građevinski materijal, alati, itd.

U 2018. godini na području Kantona Sarajevo izvršeno je 279 krivičnih djela teških krađa motornih vozila, od čega su 74 ili 26,5% vraćena (od strane Uprave policije MUP Kantona Sarajevo vraćeno je 30 vozila, MUP RS-a – 18, drugih MUP-ova – devet i 17 vozila vlasnici su sami pronašli).

U odnosu na 2017. godinu broj otuđenih motornih vozila znatno je smanjen (za 152 ili 35,3%).

Zbog postojanja osnova sumnje da su učestvovali u izvršenju otuđenja motornih vozila na području Kantona Sarajevo, nadležnom tužilaštvu podneseni su službeni izvještaji protiv 30 lica (18 manje) od kojih su 22 povratnika (ili 73,3%).

Na području Kantona Sarajevo u 2018. godini registrovano je 388 djela razbojništva što je za 23 djela ili 5,6% manje u odnosu na prethodnu godinu.

Razbojništva su počinjena u prodavnicama i drugim poslovnim prostorima - 162 put (39 manje), u sportskim kladionicama – 57 (devet manje), na ulici – 108 (25 više), apotekama - 28 (tri više), benzinskim pumpama - 17 (četiri više), itd.

Navedena djela izvršena su prijetnjom upotrebe vatrenog oružja – 155 puta (12 manje), prijetnjom i upotrebom noža ili drugog oštrog predmeta (komad stakla, šrafciğer i sl.) – 141 (devet manje) i upotrebom fizičke snage – 92 puta (dva manje).

Ukupno su rasvijetljena 181 ova djela ili 46,6% što je za 0,1% manja rasvijetljenost ovih djela u odnosu na 2017. godinu, a zbog postojanja osnova sumnje da su počinili ova djela prijavljena su 152 lica od kojih je 95 povratnika ili 62,5%.

Broj teških krađa na naročito opasan ili naročito drzak način u odnosu na 2017. povećan je za 18 ili 20%. Naime, evidentirano je 108 ovih djela u kojima su izvršiooci, upotrebom fizičke snage – 81 put, te verbalnom prijetnjom u 27 slučajaja, otimali mobitele, nakit i novac.

Za izvršenje ovih oblika teških krađa, prijavljeno je 29 lica, od kojih je 15 povratnika ili 51,7%, a 15 je lišeno slobode. Ukupno je rasvijetljeno 35 ovih djela ili 32,4% što je za 23,2% manje.

KRIVIČNA DJELA PROTIV OPĆE SIGURNOSTI LJUDI I IMOVINE

Iz ove oblasti evidentirano je 86 djela (14 više) i to: izazivanje opće opasnosti – 63 djela, nesavjesno čuvanje pasa i drugih opasnih životinja - deset, teška krivična djela protiv opće sigurnosti ljudi i imovine - devet, izazivanje opće opasnosti u pokušaju - dva, izazivanje opće opasnosti u pomaganju i izazivanje opće opasnosti u podstrekavanju - po jedno djelo.

Krivična djela izazivanja opće opasnosti (63 djela) izvršena su na otvorenom prostoru - 55 puta, u stambenim objektima - šest i u poslovnim objektima - dva puta, pri čemu je u sedam slučajeva aktivirana nepoznata eksplozivna naprava, 23 puta pucano je iz vatrenog oružja, 29 puta je otvorenim plamenom izazvan požar, itd. Posljedice izvršenja navedenih djela su tjelesne ozljede pet lica i nastala materijalna šteta.

Zbog postojanja osnova sumnje da su počinili djela iz ove oblasti nadležnom tužilaštvu podneseni su službeni izvještaji protiv 50 lica, od čega je 36 povratnika ili 66,7%, a 38 je lišeno slobode.

KRIVIČNA DJELA PROTIV PRAVOSUĐA

Evidentirano je 47 djela iz ove oblasti (30 više) i to: organizirani kriminal - 24 djela, lažno prijavljivanje - 12, pomoć učinitelju poslije učinjenog krivičnog djela - pet, davanje lažnog iskaza - tri, sprječavanje dokazivanja - dva i pripremanje krivičnog djela - jedno djelo. Zbog postojanja osnova sumnje da su ih počinili nadležnom tužilaštvu podneseni su službeni izvještaji protiv 269 lica od koji je 61 povratnik, a 34 su lišena slobode.

KRIVIČNA DJELA PROTIV JAVNOG REDA I PRAVNOG PROMETA

U ovoj oblasti registrovano je 158 krivičnih djela (28 manje) i to: nasilničko ponašanje - 69 djela, nedozvoljeno držanje oružja ili eksplozivnih materija - 32, napad na službenu osobu u vršenju poslova sigurnosti - 23, krivotvorenje isprave - 19, sprečavanje službene osobe u vršenju službene radnje - 10, ovjeravanje neistinitog sadržaja - četiri i samovlašće - jedno djelo.

Zbog postojanja osnova sumnje da su počinili krivična djela iz ove oblasti, nadležnom tužilaštvu podneseni su službeni izvještaji protiv 179 lica, 94 su povratnici (ili 52,5%), a 69 je lišeno slobode.

KRIVIČNA DJELA POČINJENA OD STRANE MALOLJETNIH IZVRŠILACA

U toku 2018. godine prijavljeno je 95 maloljetnih lica zbog postojanja osnova sumnje da su izvršili 94 krivična djela. U poređenju sa 2017. godinom, broj krivičnih djela za čije izvršenje su prijavljena maloljetna lica povećan je za 14 ili 17,5%, kao i broj prijavljenih maloljetnih učinilaca za 37 ili 63,8%.

Pregled broja maloljetnih izvršilaca krivičnih djela za 2018. godinu
prema starosnoj strukturi

Starosna dob maloljetnika	do 14 god.	od 14 do 16 god.	od 16 do 18 god.	ukupno
Broj maloljetnih izvršilaca	11	41	43	95

Među maloljetnim učinocima krivičnih djela, najveći broj je u dobi od 16 do 18 godina (43), dok je povratnika u izvršenju krivičnih djela bilo 27 (ili 28,4%).

U strukturi krivičnih djela, koja su počinili maloljetnici, najbrojnije su: teške krađe (15 ili 15,9%), zatim ugrožavanje sigurnosti - 13 djela, razbojništvo - 11 djela, nasilničko ponašanje - 10, lahka tjelesna ozljeda - devet, lažno prijavljivanje - šest djela i td.

Pregled registrovanih krivičnih djela izvršenih od strane maloljetnih lica za 2018/2017. godinu

Naziv krivičnog djela	2018. godina	2017. godina	+ - %
Teška tjelesna ozljeda	4	3	1 ili 33,3%
Lahka tjelesna ozljeda	9	8	1 ili 12,5%
Učestvovanje u tuči	1		1
Protupravno lišenje slobode		1	-1
Ugrožavanje sigurnosti	13	6	7 ili 116,7%
Ugrožavanje sigurnosti u podstrekavanju	1		1
Silovanje	1		1
Silovanje u pokušaju	1		1
Nasilje u porodici	1		1
Posjedov. i omoguć. uživanja opoj. droga	4	7	-3 ili 42,8%
Krađa	4	4	isto
Teška krađa	15	4	11 ili 275%
Teška krađa u pokušaju	1	3	-2 ili 66,7%
Teška krađa na naroč. opasan ili naročito drzak način	7	6	1 ili 16,7%
Teška kr. na naroč. opasan ili nar.drzak način u pokušaju	1		1
Razbojništvo	11	20	-9 ili 45%
Razbojništvo- pokušaj		2	-2
Utaja	1	1	isto
Oštećenje tuđe stvari	1	2	-1 ili 50%
Lažno prijavljivanje	6		6
Iznuda		1	-1
Napad na službenu osobu u vršenju poslova sigurnosti	1		1
Izazivanje opće opasnosti		2	-2
Teška krivična djela protiv sigurnosti javnog prometa		1	-1
Nasilničko ponašanje	10	7	3 ili 42,8%
Povreda mira pokojnika		1	-1
Nedozvoljeno držanje oružja ili eksplozivnih materija	1		1
ZONDINOM (čl. 52)		1	-1
ukupno	94	80	14 ili 17,5%

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO - EKSPLOZIVNIH SREDSTAVA

U toku 2018. godine na području Kantona Sarajevo registrovano je 11 slučajeva aktiviranja minsko-eksplozivnih sredstava (tri manje u odnosu na 2017. godinu).

Posljedice aktiviranja minsko-eksplozivnih sredstava su lakše tjelesne povrede jednog lica i materijalna šteta. Za sada su u dva slučaja identifikovani učinioци i preduzete su zakonske mjere.

U toku 2018. godine registrovana je ukupno 41 anonimna dojava o postavljenoj eksplozivnoj napravi (osam u 2017. godini), a odnosile su se uglavnom na srednje i osnovne škole. Nakon KDZ pregleda utvrđeno je da su dojavae bile lažne.

U cilju preventivnog djelovanja na sprječavanju pojave lažnih dojava o postavljenim eksplozivnim napravama sačinjen je Plan aktivnosti edukacije učenika i nastavnog osoblja u srednjim školama na području Kantona Sarajevo, na osnovu kojeg je realizovana edukacija učenika, nastavnog osoblja i roditelja u srednjim školama na području Kantona Sarajevo. Cilj edukacije je preventivno djelovanje i dodatna edukacija učenika, te podizanja nivoa svijesti o štetnosti ovakve vrste protivpravnog ponašanja, kao i svim posljedicama koje ova krivična djela mogu imati. Policijski službenici su tokom realizacije planirane teme apelovali i upozorili na suzdržavanju od svih vrsta protivpravnog ponašanja, pa tako i lažnih dojava o postavljenim eksplozivnim sredstvima.

POŽARI

U toku 2018. godine, na području Kantona Sarajevo registrovano je 128 požara (sedam manje) u kojima je jedno lice poginulo, a dva lica povrijeđena.

Prema statističkim pokazateljima, 71 požar je izazvan namjerno, 26 zbog tehničkih nedostataka, 14 nehatom, dok uzroci 17 požara spadaju u kategoriju ostalih.

Objekti registrovanih požara bili su:

- Saobraćajno sredstvo – 59 puta,
- Stambeni objekat – 35,
- Poslovni prostor – 13,
- Pomoćni objekat - sedam,
- Magacin – četiri,
- Proizvodni objekat, šuma i sijeno – po jedan put
- Ostali objekti – sedam puta.

Zbog izazivanja požara nadležnom tužilaštvu je podneseno 40 službenih izvještaja: 29 iz člana 323. KZ FBiH (izazivanje opće opasnosti) i 11 iz člana 301. KZ FBiH-a (paljevina).

SAMOUBISTVA

U toku 2018. godine na području Kantona Sarajevo registrovano je 38 samoubistava (pet manje), koja su izvršena na sljedeće načine: vješanjem – 14 puta, upotrebom vatrenog oružja – 11 puta, skakanjem sa visine - 10 puta, trovanjem – dva puta i utapanjem – jednom.

Prema spolu, izvršioци su: 29 muškaraca i devet žena sljedeće starosne dobi: od 25 do 30 godina – jedno lice, od 30 do 40 – tri, od 40 do 50 godina – tri i 31 lice u dobi preko 50 godina.

OSTALE AKTIVNOSTI

U toku 2018. godine preduzimane su sve potrebne mjere i aktivnosti na obezbjeđenju neophodnih materijalno-tehničkih pretpostavki za uspješno obavljanje poslova i zadataka iz djelokruga rada Uprave policije MUP-a Kantona Sarajevo.

Svakodnevno je ostvarivana saradnja sa sredstvima javnog informisanja u cilju blagovremenog i adekvatnog informisanja javnosti o pitanjima iz nadležnosti Uprave policije, tako da su u ovom periodu dostavljene 1.842 vijesti pisanim i elektronskim medijima, 156 saopštenja za javnost, dat 371 intervju za elektronske medije, obavljeno 106 gostovanja u TV i radio emisijama u studiju, itd.

Takođe, kontinuirano se pratila i analitički sagledavala sigurnosna problematika na području Kantona Sarajevo o čemu su redovno sačinjavane mjesečne i periodične informacije, kako za interno tako i za eksterno informisanje, te je ostvarivana saradnja sa naučnim institucijama u pogledu dostavljanja traženih statističkih i drugih podataka ili informacija za izradu seminarskih, magistarskih i drugih naučnih radova.

JAVNI RED I MIR

U toku 2018. godine na području Kantona Sarajevo registrovana su 4.153 prekršaja iz oblasti protiv narušavanja javnog reda i mira što je 61 ili 1,4% manje u odnosu na 2017. godinu (izdato je 3.118 naloga, pokrenuto 1.035 zahtjeva za pokretanje prekršajnog postupka).

Za izvršenje navedenih prekršaja prijavljena su 4.542 lica (46 ili 1% manje), povratnika - 488 ili 11,7%, maloljetnika – 27, i stranih državljana - 14.

S obzirom na starosnu strukturu lica koja su prijavljena za izvršenje prekršaja, najveći broj je onih starosne dobi preko 36 godina (2.735), zatim starosti između 26 i 35 godina (1.057) i između 19 i 25 godina (722).

Prilikom narušavanja javnog reda i mira u 2018. godini, nije bilo teže povrijeđenih lica (jedno u 2017. godini), dok je lakše povrijeđeno 128 lica (65 ili 33,7% manje).

Od ukupnog broja registrovanih prekršaja, 3.669 ili 88,3% odnosi se na prekršaje utvrđene Zakonom o prekršajima protiv javnog reda i mira, a 484 ili 11,6% na prekršaje utvrđene Odlukom općinskih vijeća o javnom redu i miru.

Prema strukturi prekršaja iz oblasti javnog reda i mira, najbrojnija su prosjačenja -1.696 (ili 40,8% od ukupnog broja), zatim naročito drsko ponašanje - 498 (ili 12%), tuče - 448 (ili 10,8%), i odbijanje naređenja i omalovažavanje policijskih službenika - 338 (ili 8,2%). Znatno manje prekršaja učinjeno je svađom, vikom i nepristojnim ponašanjem - 101, uživanjem opojne droge na javnom mjestu - 37, paljenjem petardi - 17, te neovlaštenom upotrebom oružja - šest, ostali prekršaji iz Zakona o prekršajima protiv javnog reda i mira - 528 prekršaja i 484 prekršaja prema Odluci općinskih vijeća o javnom redu i miru.

Tabelarni pregled strukture prekršaja iz oblasti javnog reda i mira
za 2018/2017. godinu

STRUKTURA PREKRŠAJA	2018.	2017.	upredba
UKUPNO NALOGA I ZAHTJEVA	4.153	4.214	-61 ili 1,4%
UKUPNO LICA	4.542	4.588	-46 ili 1%
Prekršaji iz Zakona o prekršajima protiv JRiM:	3.669	3.713	-44 ili 1,2%
<i>-Tuče</i>	448	441	7 ili 1,6%
<i>-Naročito drsko ponašanje</i>	498	538	-40 ili 7,4%
<i>-Odbijanje naređenja i omalov. policijskih sl.</i>	338	320	18 ili 5,6%
<i>-Svađa, vika, nepristojno ponašanje</i>	101	106	-5 ili 4,7%
<i>-Uživanje opojne droge na javnom mjestu</i>	37	15	22 ili 146,7%
<i>-Neovlaštena upotreba oružja</i>	6	2	4 ili 200%
<i>-Paljenje petardi</i>	17	8	9 ili 112,5%
<i>-Prosjačenje</i>	1.696	1.683	13 ili 1%
<i>-Ostali prekršaji iz Zakona o prekrš. protiv JRiM</i>	528	600	-72 ili 12%
Prekršaji prema Odluci OV o JRiM	484	501	-17 ili 3,4%

U odnosu na 2017. godinu, povećan je broj prekršaja koji su učinjeni tučom, odbijanjem naređenja i omalovažavanjem policijskih službenika, uživanjem opojne droge na javnom mjestu, neovlaštenom upotrebom oružja, paljenjem petardi i prosjačenjem, dok je u svim ostalim slučajevima smanjen broj prekršaja.

Prema mjestu izvršenja, najveći broj prekršaja učinjen je na ulici i na drugim otvorenim prostorima - 3.750 (ili 90,3%), a znatno manje u ugostiteljskim objektima - 159 (ili 3,8%), u školama i školskim dvorištima - 28, u trgovinskim i zanatskim radnjama - 25, vozilima javnog saobraćaja - devet, na sportskim terenima - četiri i na ostalim mjestima - 178 prekršaja.

Tabelarni pregled mjesta činjenja prekršaja 2018/2017. godina

MJESTO IZVRŠENJA	2018. godina	2017. godina	uporedba
Ulice i drugi otvoreni prostori	3.750	3.642	108 ili 3%
Ugostiteljski objekti	159	169	-10 ili 5,9%
Sportski stadioni i dvorane	4	110	-106 ili 96,4%
Vozila javnog saobraćaja	9	9	isto
Škole i školska dvorišta	28	31	-3 ili 9,7%
Trgovinske i zanatske radnje	25	18	7 ili 39%
Ostala mjesta	178	235	-57 ili 24,2%
UKUPNO	4.153	4.214	-61 ili 1,4%

U odnosu na 2018. godinu, povećan je broj prekršaja koji su registrovani na ulici i drugim otvorenim prostorima i u trgovinskim radnjama, dok je na svim ostalim mjestima taj broj smanjen. Na području Kantona Sarajevo u toku 2018. godine održanao je 3.017 javnih skupova (388 više u odnosu na 2017. godinu). Policijski službenici provodili su planske aktivnosti na organizaciji javnih skupova, koji su protekli bezbjedno, a u 741 slučaj izvršeno je KDZ osiguranje.

Do narušavanja javnog reda i mira došlo je u tri slučaja, dok su ostali javni skupovi protekli bezbjedno.

SAOBRAĆAJ

U toku 2018. godine, stanje sigurnosti saobraćaja karakteriše smanjenje ukupnog broja saobraćajnih nezgoda, nezgoda sa materijalnom štetom i broja povrijeđenih lica, dok je povećan broj nezgoda sa nastradalim licima i broj poginulih lica.

Registrovano je 9.258 saobraćajnih nezgoda (1.180 ili 11,3 % manje), od čega 8.453 sa materijalnom štetom (1.199 ili 12,4 % manje) i 805 sa nastradalim licima (19 ili 2,4 % više).

UPOREDNI POKAZATELJI SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
2018./2017. GODINA

	2018.	2017.	uporedba	
			+, -	%
UKUPAN BROJ SAOBRAĆAJNIH NEZGODA	9.258	10.438	-1.180	-11,3 %
SAOBRAĆAJNE NEZGODE SA NASTRADALIM LICIMA	805	786	+ 19	+ 2,4 %
SAOBRAĆAJNE NEZGODE SA MATERIJALNOM ŠTETOM	8.453	9.652	- 1.199	-12,4 %
POGINULO LICA	17	14	+ 3	+ 21,4 %
- vozači	7	4	+ 3	+ 75%
- putnici	4	3	+ 1	+ 33,3 %
- pješaci	6	7	- 1	-14,3 %
POVRIJEĐENO LICA	1.012	1.035	- 23	- 2,2 %
- vozači	478	484	- 6	- 1,2 %
- putnici	325	340	-15	- 4,4 %
- pješaci	209	211	- 2	- 0,9 %

U naselju su registrovane 8.283 saobraćajne nezgode (10 sa poginulim, 714 sa povrijeđenim licima i 7.559 sa materijalnom štetom), van naselja 975 nezgoda (tri sa poginulim, 78 sa povrijeđenim licima i 894 sa materijalnom štetom).

TABELARNI PREGLED SAOBRAĆAJNIH NEZGODA I POSLJEDICE NA PODRUČJU KANTONA SARAJEVO
2018./2017. GODINA

SAOBRAĆAJNE NEZGODE	SA NASTRADALIM LICIMA			SA MATERIJALNOM ŠTETOM	UKUPNO	POSLJEDICE		
	sa poginulim licima	sa povrijeđenim licima				broj poginulih lica	broj teže povrijeđenih lica	broj lakše povrijeđenih lica
		teže	lakše					
u naselju	10	135	579	7.559	8.283	11	142	762
van naselja	3	6	72	894	975	6	11	97
UKUPNO	13	141	651	8.453	9.258	17	153	859

Prema kategoriji puta, saobraćajne nezgode registrovane su:

- na ulicama u naselju – 7.162 nezgode (sedam lica poginulo, 653 lica povrijeđena),
- na magistralnim putevima – 858 (šest lica poginulo, 181 lice povrijeđeno),
- na lokalnim putevima – 489 (37 lica povrijeđeno),
- na regionalnim putevima – 452 (49 lica povrijeđeno),

- i na putevima koji se ubrajaju u kategoriju ostalih – 297 saobraćajnih nezgoda (četiri lica poginula, 92 povrijeđena).

Prema karakteristikama puta, najveći broj saobraćajnih nezgoda registrovan je:

- na raskrsnicama u naselju – 1.395 nezgoda u kojima su dva lica poginula, 183 povrijeđena,
- na raskrsnicama van naselja – 263 (25 lica povrijeđeno),
- na pješačkim prelazima – 83 (jedno lice poginulo, 46 lica povrijeđeno),
- na mostu – četiri (bez nastradalih lica)
- na nadvožnjaku – četiri (bez nastradalih lica)
- na prelazu preko željezničke pruge – tri (jedno lice povrijeđeno), itd.

POSLJEDICE SAOBRAĆAJNIH NEZGODA

U toku 2018. godine, u saobraćajnim nezgodama na području Kantona Sarajevo nastradalo je ukupno 1.029 lica (20 ili 1,9 % manje u odnosu na 2017. godinu).

TABELARNI PREGLED NASTRADALIH LICA (poginula, teško i lakše povrijeđena)
U SAOBRAĆAJNIM NEZGODAMA
2018/2017. GODINA

učesnici u saobraćaju	2018. GODINA	2017. GODINA	uporedba	
			+/-	%
vozači	485	488	- 3	- 0,6 %
putnici	329	343	- 14	- 4,9 %
pješaci	215	218	- 3	- 1,4 %
UKUPNO	1.029	1049	- 20	- 1,9 %

U saobraćajnim nezgodama na području Kantona Sarajevo tokom 2018. godine poginulo je 17 lica (tri više), povrijeđeno 1.012 lica (23 manje), od čega 153 teže (12 više) i 859 lakše (35 manje).

TABELARNI PREGLED NASTRADALIH LICA U SAOBRAĆAJNIM NEZGODAMA PO KATEGORIJI UČESNIKA
2018/2017.GODINA

PERIOD	2018. GODINA			2017. GODINA			UPOREDBA 2018/17. GOD.		
	poginulo	teško povrijeđeno	lakše povrijeđeno	poginulo	teško povrijeđeno	lakše povrijeđeno	poginulo	teško povrijeđeno	lakše povrijeđeno
VOZAČI	7	56	422	4	45	439	+ 3	+ 11	- 17
PUTNICI	4	35	290	3	33	307	+ 1	+ 2	- 17
PJEŠACI	6	62	147	7	63	148	- 1	- 1	- 1
UKUPNO	17	153	859	14	141	894	+ 3	+ 12	- 35

STEPEN POVREDA UČESNIKA U SAOBRAĆAJNIM NEZGODAMA

- Vozači :
Sedam vozača je poginulo, 478 vozača povrijeđeno (56 teže i 422 lakše)
- Putnici:
Četiri putnika su poginula, 325 putnika povrijeđeno (35 teže i 290 lakše)
- Pješaci:
Šest pješaka je poginulo, 209 pješaka povrijeđeno (62 teže i 147 lakše)

Starosna struktura nastradalih lica u saobraćajnim nezgodama je slijedeća:

- do 17 godina – 109 lica,
- od 18 do 30 godina - 311,
- od 31 do 40 godina – 204,
- od 41 do 50 godina – 149,
- od 51 do 65 godina – 136 lica, itd.

Starosna struktura nastradalih vozača u saobraćajnim nezgodama je slijedeća:

- od 18 do 23 godine – 57 lica,
- od 23 do 30 godina – 110,
- od 30 do 40 godine – 142,
- od 40 do 50 godina – 89,
- od 50 do 60 godina – 51 lice, itd.

UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju:

- ostalih – 7.817 (13 lica poginulo, 611 lica povrijeđeno),
- neprilagođena brzina – 1.329 (četiri lica poginula, 360 lica povrijeđeno),
- uticaj alkohola – 111 (41 lice povrijeđeno),
- oštećenje puta – jedna nezgoda (bez nastradalih lica).

AKTIVNOSTI SLUŽBENIKA POLICIJE IZ OBLASTI SIGURNOSTI SAOBRAĆAJA

U sklopu redovnih aktivnosti, službenici policije su kontrolisali ukupno 226.722 vozila (26.242 ili 10,4 % manje).

Zbog kršenja propisa iz oblasti sigurnosti saobraćaja uručeno je 188.150 prekršajnih naloga vozačima (3.612 ili 1,9 % više), podneseno 347 zahtjeva za pokretanje prekršajnog postupka (262 ili 43 % manje) i registrovano 107 krivičnih djela zbog ugrožavanja sigurnosti javnog prometa (18 ili 20,2 % više).

Zbog tehničke neispravnosti, iz saobraćaja je isključeno 456 vozila (28 ili 6,5 % više), 2.900 vozača je zatečeno da upravljaju vozilom pod dejstvom alkohola (650 ili 28,9 % više), 4.156 bez korištenja sigurnosnog pojasa (921 ili 18,1 % manje), 1.308 bez položenog vozačkog ispita (373 ili 39,9 % više), 593 pod izrečenom zaštitnom mjerom (394 ili 198 % više), 5.649 vozača je zatečeno da koriste mobitel tokom vožnje (1.905 ili 50,9 % više), a 2.603 vozila su otkrivena da učestvuju u saobraćaju bez važeće registracije (1.137 ili 77,5 % više).

MIRUJUĆI SAOBRAĆAJ I KONTROLA PJEŠAKA

Tokom 2018. godine, pripadnici Uprave policije su uručili 77.917 prekršajnih naloga vozačima koji nisu poštivali saobraćajne propise prilikom parkiranja (2.710 manje u odnosu na 2017.godinu), upozorili 4.196 vozača (430 manje), a specijalnim vozilom „pauk“ su premjestili 2.887 vozila (211 više).

Takođe, pješacima koji su kršili saobraćajne propise uručeno je 2.520 prekršajnih naloga (825 manje), a upozoreno je 800 pješaka (912 manje).

ZAKONITOST U RADU

U toku 2018. godine, registrovano je 28 napada (jedan više) na policijske službenike MUP-a Kantona Sarajevo (grupni i pojedinačni napadi). U napadima je učestvovalo 35 lica među kojima je jedan maloljetnik.

Posljedice napada su dva poginula i 23 teže i lakše povrijeđena policijska službenika.

Poginula su dva policijska službenika prilikom obavljanja redovnih poslova i zadataka 26.10.2018. godine. Njih su hicima iz automatske puške usmrtila lica koja su vršila tešku krađu motornog vozila.

Policijski službenici Uprave policije su tokom 2018. godine, prilikom obavljanja zadataka uz 43 slučaja opravdano upotrijebili silu.

Prilikom upotrebe sredstava prinude policijski službenici su koristili: vatreno oružje, hemijska sredstva, fizičku snagu i sredstva za vezivanje, fizičku snagu, fizičku snagu i policijsku palicu, sredstva za vezivanje.

Tokom 2018. godine, razmatrano je 320 predstavljanja na rad policijskih službenika.

Nakon razmatranih predstavljanja Odbor za žalbe građana Skupštine Kantona Sarajevo donio je zaključak da se za 94 predstavljanja provede unutrašnja istraga. Za 123 predstavljanja je odlučeno da se izvrše provjere i prikupi dokumentacija, za 66 da nema osnova za provođenje unutrašnjih istraga, za 23 predstavljanja da su nenadležni, za 11 predstavljanja da se pripoje ranijem spisu, dvije predstavljanja Odbor je primio k znanju, a u jednom slučaju predstavljanje je pripojeno unutrašnjoj istrazi.

Od ukupno 320 razmatranih predstavljanja, 250 je podneseno od strane građana, a 70 predstavljanja predstavljaju saznanja iz službe.

Okončano je 129 unutrašnjih istraga, od kojih je 38 bilo bez dovoljno dokaza, u 37 slučajeva istrage su neosnovane, u 34 slučaja osnovane, u 11 slučajeva istraga je okončana odustajanjem, u pet slučajeva postupak je obustavljen, u tri slučaja istraga je okončana ocjenom oslobađajuća, dok je u jednom slučaju donesena odluka o dopuni.

PRAVNA REGULATIVA

- Organizacionim jedinicama Uprave policije dostavljena je Strategija Uprave policije Ministarstva unutrašnjih poslova Kantona Sarajevo 2018.-2021. i Akcioni plan za provođenje Strategije Uprave policije Ministarstva unutrašnjih poslova Kantona Sarajevo 2018-2021.
- Sačinjen je šifarnik Zakona o upotrebi grba i zastave Kantona Sarajevo.
- Organizacionim jedinicama Uprave policije dostavljen je Zaključak Vlade Kantona Sarajevo sa prilogom Strategije za borbu protiv korupcije Kantona Sarajevo 2018/19 i Akcionim planom za provedbu Strategije za borbu protiv korupcije u Kantonu Sarajevo.
- Organizacionim jedinicama Uprave policije dostavljen je akt, s ciljem upoznavanja o izmjenama i dopunama Zakona o osnovama sigurnosti saobraćaja na putevima u BiH.
- Sačinjen je Prijedlog Zakona o javnom okupljanju i Prijedloga Zakona o sprečavanju nasilja i nedoličnog ponašanja na sportskim priredbama u Kantonu Sarajevo.
- Organizacionim jedinicama Uprave policije je na primjenu dostavljen Policijski etički kodeks Uprave policije MUP-a Kantona Sarajevo.
- Sačinjen je Prijedlog Instrukcije o hitnom, tekućem, povremenom i statističkom izvještavanju Uprave policije.
- Sačinjen je Prijedlog teksta Uredbe o proceduri u slučaju prekobrojnosti policijskih službenika Uprave policije MUP-a Kantona Sarajevo.
- Sačinjena je elektronska verzija Prijedloga teksta Instrukcije o specijalnim policijskim zadacima koji će se obavljati u civilnoj odjeći, u specijalnoj policijskoj odjeći i sa specijalnom policijskom opremom.

- Sačinjen je Prijedlog teksta Uredbe o tekstu i načinu polaganja zakletve policijskih službenika Uprave policije MUP-a Kantona Sarajevo.
- Sačinjen je Prijedlog Uredbe o sadržaju, izgledu, dodjeli i oduzimanju činova policijskim službenicima Uprave policije MUP-a Kantona Sarajevo.
- Sačinjen je Pravilnik o privremenom eksternom premještanju policijskih službenika Uprave policije MUP-a Kantona Sarajevo.
- Sačinjen je Prijedlog Pravilnika o obliku i sadržaju ugovora o radu.
- Sačinjen je Prijedlog Pravilnika o ocjeni rada policijskih službenika Uprave policije MUP-a Kantona Sarajevo.

AKTIVNOSTI NA PROVOĐENJU ZAKONA O NABAVLJANJU, DRŽANJU I NOŠENJU ORUŽJA I MUNICIJE

U 2018. godini evidentirana su 43 djela koja su regulisana Zakonom o nabavljanju, držanju i nošenju oružja i municije (35 manje), počinjenih od strane 44 izvršioca, od kojih je devet lišeno slobode.

Od strane Policijskih uprava fizičkim licima izdato je 900 odobrenja za nabavku vatrenog oružja (57 manje) i 1.005 oružnih listova (192 manje).

Takođe, u sklopu aktivnosti na oduzimanju nelegalno posjedovanog oružja i drugih predmeta oduzeta su: jedno teško oružje, 79 pištolja, 22 puške, 64 noža, tri boksera, 2.045 kom. municije različitog kalibra, 4.915 kom. petardi, itd.

RAD POLICIJE U ZAJEDNICI

U okviru Rada policije u zajednici u toku 2018. godine obavljane su brojne aktivnosti s ciljem što efikasnije povezanosti i partnerstva policije i lokalne zajednice. S tim u vezi, održavani su redovni sastanci i kontakti sa nadležnim strukturama, kao i sa policijskim službenicima zaduženim za ovu oblast. Sagledavano je stanje u oblasti rada policije u zajednici u funkciji redovnog policijskog rada, ostvarivan neposredan uvid u stanje i rezultate, te sagledavane mogućnosti i pravci daljeg rada i što kvalitetnijeg obavljanja poslova i zadataka policije u ovom domenu rada.

Cilj partnerstva policijskih službenika jeste održanje stanja mira, sigurnog okruženja i prosperiteta za sve članove zajednice, gdje se može reći da rad policije u zajednici konkretno predstavlja proaktivni rad policije u zajednici, otvorenu komunikaciju sa građanima, preduzećima, školama, mjesnim zajednicama i drugim institucijama a sve s ciljem kako bi se dugoročno povećala sigurnost i osjećaj sigurnosti svih građana Kantona Sarajevo.

S tim u vezi preduzimane su, između ostalog, sljedeće aktivnosti:

- Policijski službenici Uprave policije su vršili obilazak osnovnih škola na svojim staničnim područjima, radi dogovora sa direktorima i pedagogima škola u cilju realizacije edukativnih radionica na teme: "Djeca u saobraćaju", "Međuvršnjačko nasilje", „Narkomanija“ i druge teme.
- Policajci u zajednici su prisustvovali edukaciji na temu "Djeca i maloljetnici u kontaktu sa zakonom" na kojoj su predstavljene alternativne mjere i sankcije za maloljetnike u krivičnom zakonodavstvu FBiH.
- Kontinuirano je provedena kampanja "Neko te voli" s ciljem smanjenja broja vozača koji koriste mobilne telefone prilikom vožnje vozila.
- U svim općinama održana su predavanja u osnovnim školama na teme: "Međuvršnjačko nasilje", "Djeca u saobraćaju", "Narkomanija", itd.

- U vezi realizacije projekta „Jačanja tužilačkih kapaciteta u sistemu krivičnog pravosuđa BiH“ pod nazivom „Lopov uvijek bude otkriven“, a koji pored aktivnosti koje se odnose na jačanje tužilačkog sistema, sprovodi i aktivnosti kojima se nastoje implementirati programi kojima se doprinosi prevenciji kriminala, održana su predavanja u osnovnim škola na području Kantona Sarajevo,.
- Sprovodile su se aktivnosti na sprečavanju prosjačenja, skitnje, propuštenog staranja za maloljetne osobe.
- Organizovan je pojačan obilazak parking prostora i mjesta na kojima su registrovana krivična djela i narušavanje javnog reda i mira, kao i sankcionisanje prekršilaca saobraćajnih propisa.
- Provođene su aktivnosti na realizaciji projekta ICITAP-a "Uklanjanje grafita"
- Intenzivno se radilo na rasvjetljavanju lažnih dojava o postavljenim bombama u nekoliko srednjih škola, kao i na preduzimanju radnji koje se odnose na edukaciju učenika i nastavnog osoblja kako bi se povećala svijest o štetnosti ove vrste devijantnog ponašnja.
- U organizaciji LOT tima EUFOR-a, za učenike Osnovne škole „Džemaludin Čaušević“ održana je radionica sa ciljem upoznavanja opasnosti od minsko-eksplozivnih sredstava u okruženju, te načinu reagovanja prilikom uočavanja eksplozivnih naprava.
- Organizovana je manifestacija "AUTO SHOW - Sigurnost na cestama u BiH" u sklopu „Akcije za bezbjednost na putevima“ koju sprovodi svjetska automobilistička organizacija (FIA) na osnovu rezolucije UN od 10.05. 2010.godine, a koja utvrđuje dokument UN–a za bezbjednost u saobraćaju 2011-2020. Na navedenoj manifestaciji je između ostalog, prezentiran rad policijskih službenika MUP-a KS, te podijeljene brošure i drugi infomaterijal pod nazivima: „Djeca u saobraćaju“, „Mreža žena policajaca“, „Borba protiv rodno zasnovanog nasilja“, „Zaštitite se od krađe“, „Građani treba da znaju“, itd.
- U hotelu „Bosnia“ je održana radionica na temu „ Kako do većeg poštovanja ljudskih prava žena i LGBT osoba u KS- Zajedno do rješenja“.
- Policajci u zajednici su učestvovali u manifestaciji "7 Sarajevo beer festival", koja je održana na parking prostoru olimpijske dvorane Zetra. Tom prilikom predstavljene su aktivnosti u vezi bezbjednosti saobraćaja, a izvršeno je i promotivno alkotestiranje posjetilaca koji su bili zainteresovani za način funkcionisanja alkotest aparata.
- Redovno su održavani kontakti s predstavnicima Crvenog križa FBiH, Turističkom zajednicom KS,
- U sklopu realizacije kampanje „ BIHAMK“-a pod nazivom „Sigurno vezani u vozilu“ na platou ispred SCC-a je podijeljeno oko 500 letaka na navedenu temu,
- Policajci u zajednici učestvovali su programu rada radionice pod nazivom "Praksa rada sa djecom po odredbama Zakona o zaštiti i postupanju sa djecom i maloljetnicima u krivičnom postupku FBIH-a" koja je organizovana od strane Centra za istraživanje politike suprostavljanju kriminaliteta u sklopu projekta "Pravda za svako dijete" koji je podržan od UNICEF-a.
- Policajci u zajednici su u okviru realizacije projekta "Rastimo bezbjedno s policijom" aktivno učestvovali na "Petom dječijem sajmu" koji je održan u periodu od 16-18. novembra u prostorijama KSC Skenderija.
- Održana je kampanja u okviru projekta "Stop nasilju u porodici" u organizaciji ICITAP-a, povodom Međunarodnog dana protiv nasilja u porodici u prostorijama "TC SCC"-a.
- Učenicima Srednje mašinske tehničke škole je predstavljena kampanja „Stop nasilju u porodici“ koja je realizovana u organizaciji ICITAP-a i ambasade SAD-a.
- U vezi realizacije projekta „Jačanja tužilačkih kapaciteta u sistemu krivičnog pravosuđa BiH“ pod nazivom „Lopov uvijek bude otkriven“, tokom mjeseca decembra održane su edukativne radionice za učenike šestih razreda u 71 osnovnoj školi na području Kantona Sarajevo.
- U sklopu projekta „Sigurnost djece u saobraćaju“, policajci u zajednici su obilazili obdaništa i organizovali posjete djece policijskim stanicama gdje su prezentovali sredstva i opremu koju policijski službenici koriste svakodnevno u svom radu.

EDUKACIJA U UPRAVI POLICIJE

U skladu sa Planom i programom stručnog osposobljavanja policijskih službenika Uprave policije tokom 2018. godine, razne vidove obuke pohađalo je ukupno 5.457 policijskih službenika, i to:

- permanentnu obuku (internu) - 1.104 policijska službenika,
- permanentnu obuku (obuka preciznog gađanja iz poluaotomatskog pištolja) - 2.467 policijskih službenika, dva ciklusa u toku godine,
- terensku - 1.335,
- specijalističku (eksternu) – 406 i
- naprednu obuku – 145 službenika.

Teme specijalističkih (eksternih) obuka, između ostalog bile su:

- "Vodič o forenzičkim kapacitetima u BiH",
- "Vještine upravljanja za rukovodioce u agencijama za provođenje zakona",
- "Žene u policiji",
- "Upravljanje medijima u operacijama podrške miru"
- "Keš kurir",
- "Digitalna forenzička - informatička sigurnost",
- "Djeca i maloljetnici u kontaktu sa zakonom",
- "Istrage cyber kriminala",
- "Međunarodna policijska saradnja u potrazi za osumnjičenim licima",
- "Kibernetička sigurnost",
- "Uloga i značaj policije u krivičnom postupku BiH",
- "Postupci u situacijama masovnog priliva stranih državljana",
- "Radna dimenzija zloupotrebe vatrenog oružja u vezi nasilja u porodici",
- "Sprečavanje terorizma i suzbijanje nasilnog ekstremizma i radikalizacije koja vodi ka terorizmu - pristup kroz rad policije u zajednici",
- "Jačanje provedbe zakona",
- "Privremeno oduzimanje imovinske koristi pribavljene krivičnim djelom",
- "Nasilni ekstremizam",
- "Finansijske istrage u predmetima krivičnih djela pranja novca"
- "Jačanje povjerenja javnosti u tužilački sistem u BiH kroz unaprijeđenje transparentnosti i odgovornosti",
- "Uspješna primjena policijskog upozorenja",
- "Migracije u kontekstu aktuelne sigurnosne situacije u BiH",
- "Primjerena upotreba sile",
- "Jačanje sistema referalnih mehanizama zaštite djece od nasilja na lokalnom nivou,
- "Sigurnost u saobraćaju, sigurnost na internetu i ekstremizam",
- "Kompjuterski kriminal i kompjuterski omogućena krivična djela"
- "Krivična djela počinjena iz mržnje",
- "Ilegalna trgovina umjetninama",
- "Podrška borbi protiv pranja novca",
- "Postupak finansijske istrage, značaj vršenja paralelnih finansijskih istraga i sl."
- "Liderstvo za žene u agencijama za provođenje zakona",
- "Razvoj sistema za pružanje psihološke pomoći i psihološke podrške policijskim službenicima", itd.

Sarajevo, 21.01.2019.godine

Odjeljenje za odnose s javnošću